

DECRETUM



V A L E N T I N A

Beatificationis, & Canonizationis

VENERABILIS SERVI DEI

FR. ANDREAE HIBERNON

Laici professi Ordinis Minorum S. Francisci Discalceatorum S. Petri de Alcantara
Provinciae S. Joannis Baptistae Valentiae

SUPER DUBIO

An, et de quibus Miraculis constet in casu, et ad effectum, de quo agitur?



Uanquam Clemens XIV. Pont. Max. heroicis V.S.D. ANDREAE HIBERNONIS fuisse virtutes conceptis iis verbis declaraverat, quibus significaretur, duo tantum Miracula ad ejus Beatificationem requiri: Causae tamen Postulatores, ex pluribus, quae in Inquisitionum tabulis relata erant, quinque in Sac. Rit. Congregatione proponenda selegerunt, quae et probationibus firmiora, et morborum gravitate splendidiora sibi esse videbantur.

Attamen consueta iis accuratioris perpendis tum in primo Consultorum Conventu habito in AEdibus Rm̄i Cardinalis CORSINI Episcopi Sabinensis Causae Relatoris pridie Nonas Decembr. anni MDCCCLXXXVI., tum in altero habito coram Rm̄is Cardinalibus in Palatio Apostolico Quiriniali III. Idus Augusti superioris anni; duo ex propositis Miraculis, quae aliquam habere dubitationem videbantur, ab ipsis Postulatoribus rejecta sunt: ideoque ad Generalem Congregationem coram SANCTISSIMO DOMINO NOSTRO PIO PAPA SEXTO, habitam VI. Idus superioris mensis, tria tantum Miracula sunt allata: de quibus cum exquisitae essent Patrum sententiae, Causa ipsis in tuto jam collocata esse visa est.

Sed quoniam in gravissimis hisce Causis existimatio tantum Congregationis est, unius vero Summi Pontificis iudicium ac potestas: ipse causam de more ampliavit, ut sapientia illa, per quam potentes decernunt justitiam, diutius invocata, de tanta re, ea qua decet religione, judicaret. Hoc vero rite functus officio, cum jam proposita Miracula adprobare constituisset, hodiernum diem memoriae S. FRANCISCI ASSISINATIS sacrum causae definitioni dixit; ut novum hoc Franciscani Ordinis Alumni decus cum familiae Conditoris honore communicaret: merito ratus, filiorum gloriae partem non exiguam ad parentem pertinere, cujus legibus institutisque ad ipsam consequendam via latior ac munitior est patefacta.

SANCTISSIMUS itaque in Templo S. MARIAE DE ARACELI, cum rem divinam summa pietate fecisset, adstantibus Rm̄o Cardinali ARCHINTO Congregationi Praefecto, qui vices etiam gessit Rm̄i Cardinalis CORSINI Causae Relatoris ab Urbe absentis, meque infrascripto S.R.C. Protonotario, loco R. P. ejusdem Congregationis Secretarii absentis; nec non accito R.P. Carolo Erskine S. Fidei Promotore, rite pronunciavit: *Constare de tribus Miraculis tertii generis, a Deo V. S. D. ANDREA HIBERNONE intercedente patratis; nempe I. Instantaneae, et ab ipsius canonizatione Mariannae Cano a confirmata tace. II. Instantaneae, et perfectae sanationis Andreae Gisbert a diuturna Mania. III. Instantaneae, et absolutae sanationis Mariae Garziae a diuturna plurium annorum caecitate.* Atque hoc Decretum palam fieri, et in acta mitti imperavit. *IV. Nonas Octob. MDCCXC.*

J. Card. Archinto Praefectus

Loco ✕ Sigilli

J. de Carpineo S.R.C. Protonotarius

ROMÆ, Ex Typographia Reverendae Camerae Apostolicæ 1790.

